

竹譜

吳萆譜

竹譜題辭

儕于植物之中而超乎草木藤蘿之外者聿惟竹古
人用以此君子焉其爲物也雖在童稚翛然有凌霄
之姿是以一歲卽與母齊能屈能伸而不改其節晉
王子猷謂不可一日無此君每到一處卽令種竹則
甚矣竹之可貴也顧其爲類也繁世人耳目囿于一
方少所見遂不免多所怪與之談異物輒相與目笑
之不知天下之大何所不有安得以一人之識遂謂
世無斯物耶

今天子性愛修竹

御製竹賦一篇喬喬皇皇非臣下所能彷彿蓋不獨愛其形兼愛其德也陳子定九所著竹譜考其名目約五六十種無論今古凡竹之異者悉載焉予受而讀之如數頃琅玕森然在目如渭川千畝坐享侯封使我得遇此君數輩便當把臂入林矣定九具文武才竹亦具文武才以之削簡其文也以之作箭其武也然則定九之譜斯竹也其殆自爲寫照也夫歙縣

張潮題

欽定四庫全書總目

竹譜一卷

國朝陳鼎撰鼎有東林列傳已著錄此書記竹之
異者凡六十條

欽定四庫全書總目

子部譜錄類存目
乙四十五卷

一

昭代叢書乙集卷四十九

叙縣 張潮 山來輯

吳江 沈楸惠 翠嶺校

竹譜

江陰陳鼎定九著

回春竹

產嶰谷中作笛吹之能回寒谷陽春節長而葉大青
葱如碧玉擲地有金聲然易碎墜地無不破者嗟乎
物之美者固易於摧折耶今嶰谷久已絕種安得復

生乎萬箇作笛千萬枝令知音者吹之俾大地無日
不陽春也

孝子竹

江南北俱產但種不多歲兩產筍夏則生母竹中不
欲蔽母竹涼風也冬則產母竹外恐寒風攻母竹也
土名孝順竹嗟乎物無情者也有冬溫夏清之意可
以人而不如竹乎

忠臣竹

產荊州公安縣寇萊公祠前又呼爲萊公竹相傳寇

萊公謫雷州卒歸葬西京道出公安邑人祭而哭之
插竹地上以掛楮幣逾月枯竹盡活歲餘笋成林人
以爲忠貞之感故名

君子竹

產渭川每千竿必有一竿高出羣竹之上迥然獨立
如雞羣鶴焉以異於衆竹故名君子嗟乎渭川千畝
竹不知其幾千萬竿也然每千竿必有一君子今天
下大矣兆庶如林竟無一君子何哉豈人而不如草
木耶悲夫聖人吾不得而見之得見君子者斯可矣

對斯竹也能無君子之思乎笋甘香如桂馥

王侯竹

產江浙色如黃玉節高而葉細質最堅笋甘此竹植
衆竹中衆竹卽不茂衆竹植此竹中亦卽不活有王
侯獨尊之象焉

方竹

產山東登州堅勁可作杖天台山中亦產然堅勁不
如登州而青翠過之湖廣岳州君山亦產則皆柔軟
而長者矣此竹實多虛少

碧天霞

產廣東儋州節長三尺大不過錢圍葉亦長三尺其
色如雨過天青

鳳尾竹

產海南崖州竹梢如鳳尾葉類鳳毛故邱瓊山有月
落斜穿金鳳毛之句

羅浮竹

產羅浮山長十餘丈每節長丈餘大徑尺有五色蝴
蝶大如箕育子於葉

符篆竹

亦產羅浮竹小而葉大有文如篆若蟲蝕然土人謂之竹葉符

玳瑁竹

產廣西近交趾地幹色如玳瑁明亮直透於內笋味甘籜亦斑斑可愛

太史竹

產將樂縣土人搗以作紙極潔號曰玉版笋味苦不堪食以其可作紙故名太史

展誥竹

閩粵俱有此竹其形如展誥軸狀又若手卷從兩頭
卷合者然背圓而面凹大者可作筆桶置之案頭極
文雅

龍頭竹

產山左登萊山中華山巴蜀亦有之根狀龍頭腹實
止通一線堅勁可作杖

高蓋竹

產貴州貴筑土司中長三丈下無枝葉及頂方生枝

葉亭亭如蓋

燕來竹

吳下極多此種笋最早燕子來時卽生矣味甘脆可餐與護基竹性相近此二竹最易盛每植一二株三年成林

龍尾竹

產瓊州五指山中高十餘丈大如拱土人鋸節作水桶及盛酒之用其梢枝葉不散狀如龍尾故邱瓊山有兩餘倒拔蒼龍尾之句

香沙竹

產臺灣雞浪山中最長大葉黃而幹赤土人采以作
屑爲香焚之臭如栢子

合歡竹

兩竹並生節節相對無毫末參差伐其一則其一必
槁土人呼爲鴛鴦竹廣西潯州山中最多

桃笙竹

產四川保寧郡萬山中節高而皮軟殺其青可作簟
暑月寢之無汗故人呼簟爲桃笙以竹名也

簣簣竹

產川廣之交茅隆山中青圓堅潔風來相戛聲如鳴
玉開紫花結實如菽卽鳳鳥以爲餽糧者也嗟乎鳳
鳥久不至矣此竹結實何爲

美人竹

產中州伊洛之間幹扁而色青笋亦甘香可啖葉如
柳葉狀美人之眉故以美人呼之植之曲檻月下風
前楚楚可愛當秋宵春晝焚香獨對如擁十二金釵
呼之欲應

錦竹

產鄖陽竹山縣山中房山山中亦有之幹文如錦陸離可愛葉長尺許可爲笠

湘妃竹

相傳舜崩蒼梧二妃追至哭帝極哀淚染於竹故斑斑然如清淚痕也有數種最佳者其文如螺旋而色紫不文處則碧如玉永州最多湖南諸郡俱有又名瀟湘竹

昭君竹

產歸州昭君故居凡竹至秋冬雖不凋然老葉必黃
落惟此竹之葉如不生新卽不脫故經年如是嗟乎
豈與塞外冢草青青同一勁耶

綿竹

產貴州鎮遠山中堅圓勁直狀如陽羨牙竹然曲之
可爲柶捲束縛經歲縱之挺然復直嗟乎此竹不當
以綿稱合以剛字之斯可矣

箭竹

細如箭桿堅勁而直可爲箭蓋竹材之最良者也貴

州鎮遠山中頗多雲南楚雄麗江諸郡亦產江右撫
州靈谷產者更在附以利鏃能洞甲

龜腳竹

產朝鮮國山中其葉如龜腳幹上之紋亦然其色蒼
黑而微綠

珊瑚竹

產安南國三江府天棐山中無葉有枝如鹿角色赤
如珊瑚至冬則色黑立春又赤苗人以之紀歲

九曲竹

產占城國不勞山中其幹九曲枝亦然葉叢生亦九備五色

歌畢陀

歌畢陀真臘國竹也長數丈大如斗葉長七尺闊五尺厚寸許國人采葉作舟以涉水

天耳竹

卽黃斑竹產滇中蒙化府天耳山故名相傳郡城人凡有計度語言雖甚秘山中卽有人傳以山有此竹故也截一管附耳可聞十里外蒼蠅聲

芭蕉竹

本如芭蕉下大上小葉亦如之色亦然筍甘香可啖
出緬甸國土人取其竹作釜實米於中煨之以火竹
焦而飯熟清香可餐其葉亦可作紙苗人以之書契
文

釣絲竹

產廣西潯州府山中其枝若素絲下垂葉綴於巔如
魴魚吞餌蓋葉白而尾赤也

筍竹

產粵西平樂府華蓋山中恭城富川永安昭平處處有之其小如筯堅潔如象牙作筯甚佳

布竹

產粵東韶州府仁化縣節長數尺土人采以揉碎漬軟取絲爲布暑月可代絺綌但不耐久

燈絲竹

產温州削爲絲柔如線可織燈故名筍生三年始成竹又名千日竹

玉版竹

產江右吉安府白鷺洲皮潔如玉而笋味甘香亦如玉版成竹青青可愛

實心竹

贛州南安兩郡萬山中俱產內堅實不虛可作戈戟桿勁直有力不撓不屈

紅斑竹

亦產江廣之間閩服亦有其斑處色如丹砂質如黃玉笋味辛食之令人木強

夫人竹

產漢陽桃花洞息夫人祠側伐竹忌男子持斤男子持斤伐之則竹寸寸裂女子伐之則完君子曰竹之貞者也宜以夫人呼之

蘄竹

產黃州府各屬俱有而蘄州者爲第一有三絕之稱色瑩者爲簞節疎者爲笛帶鬚者爲杖

羅漢竹

產天全六番打尖鑪地方大如斗一本而上分數幹凡竹無旁幹惟此竹如樹

桃絲竹

產兩廣交趾地其竹本大如斗色如墨葉亦然與棕竹相類但有大小之殊耳可爲盤爲軍持爲筆筒爲酒注爲茶甌爲刀劍握

紫斑竹

產長河簷簋谷及秦人三洞其斑紫其質白可爲笛聲異凡竹

細腰竹

產岳州華容平江澧州其節處大如本如麗人細腰

狀豈楚王宮中諸姬魂魄所化耶鍛其青爲簞臥之奪夏月暑

龍鬚竹

龍鬚竹產衡岳嶠巉峰枝上生細絲如鬚長七八尺狀如龍髯下垂

淚痕竹

卽湘妃竹也道州斑竹巖產者勝於他產斑處紋細如髮作螺旋形或曰道州斑竹巖笋鬆脆甘香迥出尋常

酒注竹

產四川保寧郡巴州境竹根大如甕而本細如指取其根作酒注如兕觥然飲之有清芬氣

筇竹

產四川敘州烏蒙黎州眉州雅州邛州簞簣邛笮諸山俱有皆可爲杖以其堅潔也

桃竹

桃竹狀如桃枝幹皮葉皆類桃但有節中空產潼川州江心蟠石者佳可爲杖

黑斑竹

黑斑竹其斑處如黑漆有光可鑑人葉大如掌色藍質色微黃遵義府碧雲峰中極多

白斑竹

白斑竹斑處如羊脂素玉其質則如丹砂葉細類松針產眉州息臺嵒嶽諸山

月月竹

月月竹月一生筍歲十二次逢朔則筍生晦日則籜脫盡而葉舒矣產嘉定州有堯階莫莢之義

刺竹

刺竹枝幹葉俱有刺如荆棘然產四川烏撒土司中
苗人取置倉廩及牀頭鼠遭刺卽斃故鼠聞其氣卽
不敢來又名鼠見畏又名貓子竹

苦竹

苦竹閩廣黔滇楚蜀諸山俱有之質甚青葱而笋味
苦不可口然土人煮去苦水和肉炙之可祛暑清火
蜀之永寧者最苦竹梢露滴處百草不生苦亦甚矣
其葉煎湯治火症與淡竹葉竹瀝同功

綠斑竹

產四川平茶洞土司中其斑處色綠其質如墨葉亦黑如漆儼然文與可管夫人畫竹也

長枝竹

閩中通省產竹無他異也惟是枝長於幹下覆於地不見本取其本鍛爲絲可作器

朱竹

葉赤質亦然笋味甘香瓊州頗多東甌雁蕩山中者色如渥丹每曉霞相射紅映數里

萬王竹

產湖廣柳州桂東縣萬王城中萬王不知何代人相傳曾寓此城階砌尚存砌旁修竹數竿至今鬱然每早自仆掃其地而復立故土人呼爲萬王竹

跋

先贈公喜畫竹間先君言皆屬友人攜去余嚮藏弄
一幀在里中爲祖龍所劫今讀此帙益深我手澤之
感矣心齋張潮

種芋法一卷

吳郡五嶽黃省曾勉之

一之名

芋說文曰大葉實根駭人故謂之芋徐鍇曰芋猶吁
吁驚辭也故曰駭人齊人謂之莒孝經援神契謂之
莒芋廣雅謂之渠芋葉謂之蕝載廣志凡十四等有
曰君子芋大如斗魁如杵旅有曰車轂芋有曰鋸子
芋有曰旁巨芋有曰青邊芋此四芋是多子有曰談
芋魁大如瓶小子葉如散蓋紺色而紫莖其長丈餘
易熟長是爲芋之最善者莖可作羹臠肥澀得飲乃
下有曰蔓芋緣枝而生有曰鷄子芋色黃有曰百果

芋魁大而子繁多畝收百斛種以百畝葉以養蔬有
曰旱芋七月熟有曰九面芋大而不美有曰象空芋
大而弱使人易飢有曰青芋有素芋子皆不可食

唐本注云芋有六種青芋細長毒多初煮要須灰汁
易水熟乃堪食爾白芋圓芋連禪芋紫芋毒少並正
爾蒸煮噉之員白連禪又可蕪肉作羹野芋大毒不
可噉也陶隱居謂之老芋形葉相似如一根並殺人
垂死者飲以土漿糞汁可活本草謂之土芝蜀謂之
蹲鴟前漢謂之芋魁後漢謂之芋渠葉兪縣有百子
芋新鄭有博士芋蔓生而根如鵝鴨卵今有南京芋

煮之可拈皮而食甘滑異於它品茅山有紫芋吳郡
所產大者謂之芋頭旁生小者謂之芋妳種之水田
者爲水芋但廣雅曰藉姑水芋也亦曰烏芋本草烏
芋一名水萍一名槎牙一名茨菰一名鳧茨毗陵錄
謂之燕尾草以其葉如桎也又名田酥狀如澤瀉不
正似芋根黃而小恐自爲一種非土芝之水芋也吉
安錄有乾濕二種濕名水芋乾名黃芋味差劣松志
蘇之西境多水芋以芋魁爲旱芋嘉定名之博羅又
有皮黃肉白甘美可食莖葉如扁豆而細謂之香芋
又有引蔓開花花落卽生名之曰落花生皆嘉定有

之

二之食忌

本草云有毒陶隱居曰生則有毒性滑尤爲服餌家之所忌博物志云野芋狀小于家芋食之殺人蓋藪也家芋種之三年不收旅生亦不可食劉禹錫云十月後曬乾收之冬月食不發病它時月不可食久食則虛勞無力圖經曰食之過多則有損傷唐本云多食動宿冷

三之藝法

種芋之古法汜勝之書曰區方深皆三尺取豆箕納

區中足踐之厚尺五寸取區上濕土和糞納區中箕上厚尺二寸以水澆之足踐令保澤取五芋子置四角及中央足踐之旱則數澆箕爛芋生子皆長三尺一區收三石

齊民要術云宜擇肥緩土近水處和桑糞之二月注雨可種率二尺下一本芋生根欲深斲其旁以緩其土旱則澆之有草鋤之不厭數多治芋如此其收常倍

崔寔曰正月可蒔芋

家政法曰二月可種芋

務本新書曰芋宜沙白地地宜深耕二月種為上時相去六七寸下一芋芋羞三日衆人來往眼目多見并聞刷鍋聲處多不滋胤比及炎熱苗高則旺頻鋤其旁秋生子葉以上壅其根霜後收之又云區長丈餘深闊各一尺區行相間一步寬則透風滋胤物類相感志江湖所生土芋磊塊自實若天雷頻則多生若耕種欲取不得名之若呼芋字則逡巡不見矣

種芋之今法十月收芋子不必芋魁恐妨驚食但擇旁生圓全者每畝約留三千子掘地尺五寸窖藏之

上覆以土若不藏經凍則疎壤無力矣至開春地氣
通可耕先鋤地摩塊曬得白背又倒土以曬二三次
去其草每畝用圍糞二十擔勻澆候糞入土卽再鋤
轉否則糞見日而力薄臨種下水之後再下豆餅五
斗清明後下秧秧田種田皆宜加以新土和柔之否
則時揷硬礫損子秧田鋤過曬得白背車水作平出
所窖芋子有芽者以芽其上無芽者以根在下密布
田中以稻草蓋之日曝其芽蔓瘁日澆水一次或隔
日亦可待芽間吐發三四葉長二三寸卽可種矣葉
多而太長則種之必盡落故葉而重吐發是爲失時

種時相去一尺八寸下一芋子或一尺六寸種必在小滿前種後肥土必沫沸空去其草乾一二日其根乃行不乾則根腐黃而不生乾至小小土坼卽上水若大坼則乾壞矣常常使潤澤種時以陰天乃爲佳至七月乃塘塘法在芋子四角之中掘其土遍畝皆然壅在根上則土緩而結子圓大霜後起之芋魁每千可鬻白金一兩芋妳千斤可鬻白金一兩五錢田之有瓦礫者不可種凡種二歲必再易田不然則不長旺所易之田種禾仍佳

凡種旱芋於二三月間往杭州買白者方是須求鬆

土淺耕下秧俟秧出復耕地懸開三四寸種後以土厚壅其根日澆之以水糞苗長不必糞則旁生小者尤多於水芋

其種就留於地冬間覆以稻草至明年二三月間起曬乾再下秧復如前種

四之事

史記卓王孫曰岷山之下沃野下有蹲鴟至死不飢蹲鴟者大芋也

左思三都賦所謂蹲鴟之沃則以爲濟世陽九是也袁安爲陰平長時年飢租入不畢安聽使輸芋曰百

姓飢困長何得食穀先自引芋而食

薛包歸先人塚側種稻芋稻以祭先芋以自給

李雄克成都衆甚飢餒乃將民就穀于剗掘野芋而食之

列仙傳曰酒客爲梁使蒸民益種芋三年當大飢卒如其言梁民不苑

齊民要術曰芋可以度饑饉度凶年今中國多不以此爲意後生有耳目所不見聞者及水旱風蟲霜雹之災便能餓死滿道白骨交橫知而不種坐致泯滅悲夫人君者安可不督課之哉
種芋法一卷止

昭代叢書內集卷四十八

歙縣

張

潮

山來

同輯

吳江

沈懋

翠嶺

校

吳葦譜

長洲吳林息園著

王鏊姑蘇志云葦卽菰多生西山松林下二月生者名雷驚葦其色赤者名猪血葦味皆鮮美又岳岱陽山舊志曰葦者惟山中有之蓋草木之脂入土兼得膏澤則生驚蟄時生

者山人名曰雷驚莖高白而斑者曰溪驚紫而青者曰青紫小而實者曰麩筋青赤色損之有汁者曰朱血色黃而味甘者曰饒蕈諸種竝佳愚按赤色而損之有汁者謂之奶汁蕈非朱血也朱恐猪字之訛又牛若麟吳縣志曰蕈各處皆生山中獨多鷲子蕈最佳其他梅蕈松蕈茶蕈桑蕈菜花蕈皆可食吾蘇郡城之西諸山秀異產蕈實繁尤尙黃山者爲絕勝何則以其地邇而易於上市爲最新鮮也他山者可就其地而食之

宜巖棲之士享厥美焉當春氣初萌雪融泥軟雷欲發聲蟄猶未動其時產葦所爲雷驚者也一名戴沙村人於石罅沙土中尋而拾之故又名石葦東坡又名雪葦色黑者曰烏雷驚色黃者曰黃雷驚產於梅樹下者曰梅樹葦菜花時生者曰菜花葦生穀樹上者曰穀樹葦茶樹下生者曰茶棵葦桑園內產者曰桑樹葦其形如鶩卵者曰鶩子葦小於鶩子者曰黃雞卵葦叢生茅柴中者曰茅柴葦

甘而紫糖色者曰饴蕈

肯紫錄云人面色紫曰糖丹鉛總錄曰紫

檀色訛爲紫棠色

斯時天氣未熱無蛇虺之毒洎蟲

蝕之患雜以薑芽和筍爲美陳仁玉所謂羞王公登玉食者也以上諸蕈皆與雷驚次第而出故金昌豪右游山舫船爭買獻新未見其失食之勿疑宜列爲上品其次有面紫者曰紫面蕈斑紋如雉者曰野雞斑蕈楊樹下產者曰楊樹蕈損之有汁者曰奶汁蕈面青者曰青面子蕈更有白面子紅面子赭面子

卽俗所謂黧面子

梅氏乙減切
音靨青黑色

竝可食形如

手掌者曰佛手蕈天氣初寒而生者曰紫花

蕈色如薑黃者曰薑黃蕈質瘦而高脚者曰

燈臺蕈以上諸蕈味俱美而時令已晏稍久

卽有蟲豸侵蝕難供染指宜列爲中品又次

有面縐而蠶者曰癘婆子蕈白如玉者曰粉

團蕈紅如橘皮而辣者曰橘皮蕈如繖張者

曰傘子蕈白而滑者曰麩脚蕈面紫繖

出孫樓吳

音奇字梅氏作繖

紅者曰紫血蕈紫而或黃者曰紫

富蕈面鮮紅而襍白者曰豬血蕈以上諸蕈雖皆可啖而味自劣於上中品者或有與毒蕈疑似者其列爲下品宜矣然一交六月則雜蕈百出如生於棟樹下者曰棟樹蕈發於椿樹下面黃襍白論簇而生者曰椿樹蕈生於某樹者卽指其樹而名但棟椿二樹產蕈偶然非恒有之物故不列品其有形如饅飴味如海蛇者曰饅飴千金翼蕈長而小者曰烏雞鶩脚卽陽山所謂谿鶩蕈者是也又有

青紫粉者卽青紫蕈也麤筋蕈者韌

顏師古注急就

韌木也

如麤筋也皆憑村老以鄉俗語象形

立名亦不必多贅謹按林所品諸蕈而食之

足矣其雜而莫識者可舍之而已其不堪食

者則有純白色而味苦者曰石灰蕈

李實蜀語有地

芝曰菌其面上如石灰者殺人其純白色者爲毒蕈是處皆然

黑色而質薄

傘張者曰桴炭蕈蒼白色者曰瓦屑蕈一名

灰子蕈此三種俱塚墓間有石灰露處便生

四時皆有之雖未至害人亦木而無味之物

也有灰黃色矮脚而粘滑無禰作細鍼空者
曰黃饅頭漸大如一升器背面如羊肚人又
呼之曰牛屎蕈此山中人共棄之物雨後遍
山皆是更有苦而麻者曰苦麻蕈麤皮蕈一

名土蕈綿繭蕈卽綿薑頭面白有細紋如銀

絲碎之其氣穢穢

孫樓吳音奇字音撮捋方言味辣也

食之戟

喉者曰生薑蕈大毒面紅摺白比猪血蕈倍

大者曰沙枋

出王佐格古要論

蕈古墓間下有沙枋

往往生蕈誤食殺人

余嘗見一人以沙枋木柿點火吃烟立斃厥毒

可知
矣
以上諸毒蕈略舉一二宜在所黜設有

厥狀異於諸蕈采者棄之而已瑣碎錄云凡
果異常必根有毒蛇忌食竊謂凡菌異常亦
必其下有蛇虺居焉陽山舊志又曰凡白摺
面紅者純白與無摺者采宜棄之生楓樹者
曰笑蕈食之令人笑不止飲以土漿則愈又
法烹時以燈草數莖投釜中燈草黑有毒不
可食故山中入劖蕈

梅氏竹角切音捉
吳俗拾菌曰劖蕈
必認

蕈蕩如某山出何等蕈某地出何等蕈皆有

舊蕈不亂生者凡菌一處略出幾莖者佳如
論簇而生傾筐而得者必蛇蕈也蛇涎亦能
成蕈凡蕈有名色可認者采之無名者棄之
此雖言一鄉之物而四方賢達之士宦游流
寓於吳山者當知此譜而采之勿輕食也然
林以醯雞之見尙多闕漏俟諸好事者廣識
而續之亦憫世之一功此作譜之大意也今
將諸蕈可茹者謹陳如左

上品

雷驚葇 一名戴沙一名石葇二月間應驚蟄節候而產故曰雷驚時東風解凍土鬆氣暖茵花如蕊迸沙而生故又曰戴沙茵質外淡褐色如赭襴白如玉瑩潔可愛大則繖張味甘美柔脆一種色黑者曰烏雷驚色正黑襴帶紅山人謂紅襴烏葇此種最早先諸葇而出味甘滑初生者俗呼葇子色黃者曰黃雷驚嫩黃如染色似松花故又名曰松花葇味殊勝當蟄蟲未動毒葇未生下筍勿疑爲蘇郡之佳勝以冠諸葇

梅樹葇 多產梅樹下形小味殊菌質淡白略帶微

青襴作蓮肉色陳仁錫陽山志曰雷驚方長惟梅

根者貴色白而肥嚼作花氣

菜花葇 質瘦小外沉香色襴白淨菌口稍卷不作

繖張二三月菜花將開時生故名

穀樹葇 形瘦而小高脚薄口不作繖張質純黃如

沉香色味鮮作羹微韌二三月生蘇子瞻與參寥

耳葇詩云老楮生黃耳葇故人兼致白芽葇按

楮卽穀樹也陸佃埤雅作米穀之穀許慎說文楮

穀一種也古今韻會從穀俞宗本種樹書取爛穀

水種葇用泔水澆之必以濕處或天陰方生故陸

放翁對食作詩云潦餘多稼猶中熟種晚嘉蔬亦
半收黃耳蕈生殊自喜白頭韭長復何求言潦餘
陰濕蕈生韭長也又秋思詩云後園楮
蕈已堪烹其蕈於後園可種而得者也

茶棵蕈 黃黑如醬色白藕大面長脚味勝微韌陽

山西白龍祠左右茶樹下往往有之山園茶棵下

亦皆產不及白龍者香美祠僧云能清肺憶先父

嘗患肺熱面腫偶啖此菌良已

更有竹窠蕈亦黑色長脚傘張味鮮

美尋着蕩子
傾筐可得

桑樹蕈 紫色亦有黃色者形如香蕈產桑園中沿

山園樹下處處有之光福諸山尤多山中人語云

食之明目

俗諺云眼亮

解毒

出土桑根上生菌有毒勿采按李時珍云古本草言

桑根見地上者名馬額有毒旁行出土者名伏蛇亦有毒本草別錄云出土上者殺人吳淑事類賦亦云伏蛇馬額殺人陶宏景曰不可輕信

鷺子草

俗云鷺卵葦狀類鷺子形大不作繖張外

有護膜襠在膜內久則裂開方見有摺味殊甘滑白者曰粉鷺子黃者曰黃鷺子黑者曰灰鷺子俱爲佳品更有黃色小於鷺子者曰黃雞卵葦亦一類也

茅柴葦

產貞山玉遮山叢生茅柴中菌質上下涓

潔瑩白圓潤初如蕊珠大則綴張摺作茜色如桃花含露稍久變淡紫色一名紅蘘葍味鮮美柔脆春夏俱有

餠葍 卽松葍也於松樹茂密處松花飄墜著土生

菌一名珠玉葍赭紫色俗所謂紫糖色是也卷沿

淡蘘味甘如餠故名餠葍黃山陽山皆有之惟錦

峰山昭明寺左右產之尤甚最爲佳品采久或手

撓之作銅青色湯燂

孫樓吳音奇字音纔入聲淪也湯燂也

火薰藏

爲珍品亦可致遠四月產者名青草餠葍八月產

者名西風餠蕈有白色者曰白餠蕈黃色者曰黃餠蕈更有一種名乾餠蕈形如奶汁蕈其柄白色味皆美陳仁玉云凡物松出無不可愛

中品

紫面蕈 面微紫襴潔白肥大傘張味美黃山最產
春夏俱有

野雞斑蕈 外灰色黑斑白摺黑沿口高脚有斑紋
如雉故名黃山一路春夏俱產

楊樹蕈 純白色味如雞肉絲而帶韌微有羶氣得

其葦蕒蕩論簇而生山中人云味美異常祇宜自充
庖供何暇上市惟羊山一路有之

奶汁葦 赭黃色卷口損之有汁如乳質硬而蟲不
甚侵蝕食之木而味少四時俱生有長脚矮脚之
分更有白奶汁竝可食

青面子葦 菌面青白雜斑繖張者曰青面子白者
曰白面子紅者曰紅面子更有赭面子卽俗謂之
黧面子味皆美俱可食

佛手葦 一名掃帚葦一名燈草葦一名葱管葦皆

象形也一根叢生如荳芽菜而灰白色味極柔滑
鮮美三月間多產支硎山及黃山貞山玉遮山處
處有之此品爲鄉人所最尙者其鬻法用麪餽方音
着膩多下薑屑與杜園筍爲羹眞山居之上珍
也

紫花葦

面紫摺黃味美秋冬始生

薑黃葦

色如薑黃一名梔黃葦一名雞黃葦所謂

雞蹤者是也產黃山爲多純黃色不另生蘗卽於
背面縐紋如摺耳口齧而不卷亦不傘張味極鮮

美四時俱生山人所尙

燈臺蕈 一名雞脚蕈質瘦高脚黃黑色傘張頗似
西湖志餘所謂丁蕈者味亦佳

下品

癩婆子蕈 一名老婆襠厥狀肥大而面縐菌之最
蠢者也色黃白而帶黑暈仰卷摺如雞黃蕈

粉團蕈 一名玉蕈純白如玉質如乾粉做成者不
作繖張味甘勝涓潔

橘皮蕈 紅如橘皮氣亦帶辣其質頗似猪血蕈

傘子葷

色黃如奶汁葷嫩張出黃山

麩脚葷

色白而滑味爲下

紫血葷

外淡紫而襠紅色味亦鮮美

紫富葷

一名紫葷顏紫色或淡黃色味佳

猪血葷

色正紅鮮豔可愛味亦鮮美宿則色焉

李實

蜀語焉音焉殤同廣雅焉菸菸葱也菸音全焉葱音遠敗也

味渝而不堪食矣

有紅猪血葷色紅淡猪血葷色淡二種竝可食

無錫

東北三十里有膠山古膠鬲隱居之地也山上有南宋李忠定公丞相祠下有寶乳泉水味清冽祠與泉之左右多產硃砂葷色紅味鮮絕然如火一簋之中用一二莖色便奪目亦奇物也余友吳六

息天翼氏嘗讀書於此因
得過訪而知之并附存焉

按巢氏云凡園圃所種之菜本無毒但葷菌等物皆是草木變化所生出於樹者爲葷生於地者爲菌並是鬱蒸溼氣變化所生故或有毒者人食遇此毒多致死甚疾速其不死者猶能令煩悶吐利良久始醒陳藏器曰菌冬春無毒夏秋有毒有蛇蟲從下過也夜中有光者欲爛無蟲者煮之不熟者煮訖照人無影者上有毛下無紋者仰捲赤色者並有毒殺入中其毒者地漿及糞清解之博物志及陶隱居孫真人

俱言飲土漿屎汁愈汪穎曰凡煮菌投以薑屑飯粒
黑色者殺人否則無毒陳仁玉云凡中其毒者必笑
不止解以苦茗白礬勺新汲水併咽之無不立愈葉
夢得乙卯避暑錄話治菌毒法亦治楓樹蕈食之卽
令人笑不止造地漿以治之掘地作坑以新汲水投
坑中攪令濁少待其澄清取飲卽活亦解諸毒東南
山谷間多產菌然種類不一食之間有中毒往往至
殺人者蓋蛇虺毒物所熏蒸也此方乃一僧所傳出
本草隱居注居山者不可不知又黃休復茅亭客話

亦載此方邱瓊山羣書鈔方錄其法臞仙壽域神方
菰菌毒兼河豚毒用陳壁土湯泡澄清冷飲嚼橄欖
三五枚解之又食菌遇毒絞人尿汁飲一盞卽活服
諸吐利丸亦佳芝園主人急救良方食野菌毒用甘
草不拘多少以蘇油一盞煎數沸冷服其毒自解夷
堅志云崇寧間蘇州天平山白雲寺五僧行山間得
蕈一叢甚大摘而食之至夜發吐三人急採鴛鴦草
生啖遂愈二人不甚肯食吐至死此草藤蔓而生對
開黃白花傍水依山處皆有之所謂金銀花者是也

又甯源食鑑本草黑豆煮汁飲之妙其菌之遇毒者
怪異者不可勝數如段成式酉陽雜俎嶺南毒菌化
爲巨蜂修行里私第書齋紫荊枯根上大菌郭象暎
車志瓷甕菌生光潤燦然彭乘墨客揮犀言菌不可
妄食建寧縣巖間忽生一菌大如車蓋鄉民異之取
以爲饌食者輒死夷堅志又載簡坊大蕈及金溪田
僕食蕈一家嘔血隕命六人邱岑幸以痛飲而免蓋
酒能解毒故耳田汝成西湖遊覽志餘云宋乾道初
靈隱寺後生一菌圓徑三尺紅潤可愛寺主驚喜以

爲珍品不敢食獻於楊郡王王亦奇之是當爲玉食
奏進於孝宗詔以美味宜供佛復賜靈隱寺蓋朝廷
初不知其出於寺也復持至寺盛之以盤經日頗有
汁液沾濡兩大爭舐之一時狂死寺主大驚曰苟入
天廚必遭殊戮亟瘞之地蓋萬乘所御必有神護而
楊王大貴人寺主不私口腹皆免意外之禍此雖非
吾鄉之事而菌毒大抵皆然故錄以爲戒

鏡水忍可禪師在寧國山中一日與僧三四人食蕈
俱中毒剎那間二便頻遺身軟口呿正窘急時歎有

市藥者上山僧衆言其故隨以甘草濃煎灌之同時
獲愈至今猶敗面喎口深山中而得此人非佛之相
拯耶否則幾至喪身失命忍公常爲予道之又陽山
西花巷有人在一荒墩上采菌一叢煮而食之率然
毒發膚如琉璃使人往采蕈處察之見菌叢生如故
卽掘之見一古塚滿中是蛇卽以甘草煎湯啜之尋
愈故余每於臘月中糞坑內浸甘草人中黃以治蕈
毒及天行疫毒伏氣熱病痘科毒甚不能貫漿者悉
有神效

其法用甘草爲末將毛竹筒一段兩頭留節刮去青竹皮節上開一竅納甘草干中仍以

芭蕉葉柄削斜閉竅浸糞坑中四十
九日須至立春日取出陰乾任用
又一鄉人常以
草頭一種治蛇傷者用之輒愈人莫之識後有人細
察之方知是魚腥草此人云蛇在草上過其腹自裂
又云亦解葦毒

俞成瑩雪叢說曰夏秋雜菰葦皆是惡蟲蛇氣結成
故凡葦過時上市者當揀去無名者及與好葦形似
者庶可食之如所謂石灰葦頗似粉團葦桴炭葦頗

似野雞斑

桴炭出江休復鄰幾雜志唐教坊優人事
李茂貞云歸長安賣桴炭足過一生一作

楚陸放翁老學菴筆記浮炭爲麩炭謂投水則浮又
白樂天詩日暮半爐麩炭火黃寧物類相感志又作

燂

瓦屑蕈頗似青面子黃饅頭者小時一似雷驚蕈
獨此幾種四時俱產人必雜而市之雖不至殺人而
厥性叵測故再表而出之又有一種鬼涼傘生陰溼
處或朽木及糞壤上或多年茅屋上雨後所生丹鉛
總錄曰唐詩老屋茅生菌飢年竹有華此菌是也一
名鬼蓋陶宏景名朝生取莊子朝菌之意陳藏器又
名鬼屋生陰溼處如菌其蓋黑而莖赤和醋傅瘡毒
惡瘡馬脊癰周密癸辛雜識言菌蕈類皆幽隱蒸溼
之氣如鬼繖者其稟陰溼之氣而成也慎勿悞食

余謂葦爲無根菜才生兩三日卽爛而不堪食矣吳
僧贊寧曰合葦以箬籠盛貯不可近泥壁近則易壞
山中人將饴葦湯爇火熏亦可藏食呼之曰杜香葦
凡洗葦必須逐箇輕手拈取掐去泥沙貯淨器中浮
音扶唐皮日休紀麻撮要清明曬得
柳條枯十隻糞缸九隻浮應入七虞於水上拭去沙
土不可畚水亂冲致沙入藕內莫之能出粗人勿令
爲此幽人韻士拾得佳茵檢去宿者香油炒透和以
鹽醢薑屑再煮極熟食供余謂鰕鮓鰕鮓北山經與鮮
名赤鮓音圭
茵皆有毒須煮得透熟厥毒自解易牙遺意專究食

品而弗及此二物蓋慎之也

又按郡志止得雷驚豬血二種吳縣志葦六種人所共識陽山舊志葦六種有莖高白而斑者曰溪驚此卽驚子葦發高者又名雞驚又名驚卵葦之類也紫而青者曰青紫卽餽葦之久而未采色薦而作青紫者也小而實者曰麩筋卽麩脚葦類陽山產葦亦繁志所載止此而已長洲縣新舊志物產併不載未審何意

附蕲葦詩四首

老翁雨過手提筐侵曉山南斫蕈忙敢爲家人充口
腹賣錢端爲了官糧

梅花水發接桃花又動南山礚礚車春熟卻教無麥
種松間剩有菌如麻

松花着處菌花生雨後巖前采幾莖分付山妻好珍
重薑芽籬筍共爲羹

看他車馬踏京塵博得邯鄲一欠伸爭似平生鉏菜
手栽花拾菌過殘春

康熙癸亥歲一春風雨菜麥盡爛種子無
粒是年產蕈極多若松花飄墜着處成菌